

Seguissèm lo nòstre camin

Seguissèm lo nòstre camin
sens daissar piadas dins la posca.
Seguissèm lo nòstre camin
sens daissar piadas dins la nèu,
aquí lo flèu.

Mesfisa-te ! Pren garda que
los pòbles sens memòria pèrdon lo babarèt.

Sòrres e fraires son passats
sens daissar sa flaira dins l'aire.
Sòrres e fraires son passats
pas ges d'escruma dins la laga,
aquí lo lagui.

Mesfisa-te ! Pren garda que
los pòbles sens memòria pèrdon lo babarèt.

Nos an pas gaire còrfonduts
d'aquela istòria exagonala.
Nos an pas gaire còrfonduts
sens daissar sa plaça als aujòls,
aquí lo dòl.

Mesfisa-te ! Pren garda que
los pòbles sens memòria pèrdon lo babarèt.